



Castellano Gallego

... Ordenanzas y Reglamentos

Nueva Búsqueda

## Porto Do Son - ORDENANZA FISCAL REGULADORA DA TAXA DE SUMIDOIROS

Publicación provisional : 07-02-1996 BOP Nº 31 -- Publicación definitiva : 07-02-1996 BOP Nº 31  
 Redacción Aplicable desde 31-01-2012

Redacciones

- Artigo 1.º- Fundamento e natureza.
- Artigo 2.º- Feito imponible
- Artigo 3.º- Suxeito pasivo
- Artigo 4.º- Responsables.
- Artigo 5.º- Cota tributaria
- Artigo 6.º- Exencións e bonificacións.
- Artigo 7.º- Devengo.
- Artigo 8.º- Liquidación.
- Artigo 9.º- Ingreso.
- Artigo 10.º- Infraccións e sancións.
- Disposición adicional

### Artigo 1.º- Fundamento e natureza.

En uso das facultades concedidas polos artigos 133.2 e 142 da Constitución e polo artigo 106 da Lei 7/1.985 de 2 de abril reguladora das Bases de Réxime Local e de conformidade co disposto nos artigos 15 a 19 da Lei 39/1.986, de 28 de decembro reguladora das Facendas Locais, este Concello establece a "Taxa de sumidoiros", que se rexerá pola presente Ordenanza Fiscal, do cal as normas atenden o previsto no artigo 58 da no meada Lei 38/1.988.

### Artigo 2.º- Feito imponible

1.- Constitúe o feito imponible de Taxa:

- a).- A actividade municipal, técnica e administrativa, ten dente a verificar si se dan as condicións necesarias para autorizar a acometida a rede de sumidoiros municipal.
- b).- A prestación dos servizos de evacuación de excretas, augas pluviais, negras e residuais, a traveso da rede de sumidoiros municipal e o seu tratamento para depuralas.

2.- Non estarán suxeitas a Taxa as fincas derruidas, declaradas ruinosas ou que teñan a condición de solar ou terreo, sempre que non fagan uso do sumidoiro.

### Artigo 3.º- Suxeito pasivo

1.- Son suxeitos pasivos contribuíntes as persoas físicas ou xurídicas e as entidades a que se refire o artigo 33 de Lei Xeral Tributaria que sexan:

- a).- Cando se trate de concesión de licenzia de acometida a rede, o propietario, usufrutuario ou titular do dominio útil da finca.
- b).- No caso de prestación de servizos do número 1.b) do artigo anterior, os ocupantes ou usuarios das fincas do termo municipal beneficiarios de ditos servizos, calquera que sexa o seu título: propietarios, usufrutuarios, habitacionistas ou arrendatarios, incluso ocupantes en precario.

2.- En todo caso, terá a consideración de suxeito pasivo substituto do ocupante ou usuario das vivendas ou locais o propietario destes inmobles, os cales poderán repercutir, no seu caso as cotas satisfeitas sobre os respectivos beneficiarios do servizo.

### Artigo 4.º- Responsables.

1.- Responderán solidariamente das obrigas tributarias do suxeito pasivo, as persoas físicas e xurídicas a que se refiren os artigos 38.1 e 39 da Lei Xeral Tributaria.

2.- Serán responsables subsidiarios os administradores das sociedades e os síndicos, interventores ou liquidadores de crebas, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria

## Artigo 5.º-Cota tributaria

1.- A cota desta taxa será a seguinte:

CONCEPTOS	IMPORTES
Viviendas, cota anual	1.500 ptas.
Industriales, por m3. agua consumida	10 ptas/m3.

2.- As tarifas anteriores incrementaranse anualmente polo Índice de Prezos o Consumo.

3.- Os derellos de acometida de sumidoiros á rede xeral regúlanse pola seguinte tarifa:

a) A cota tributaria polo outorgamento da licenza ou autorización para acometida á rede xeral de saneamento, será de 90,00 €. No caso de que fose necesario a realización de obras, a cota incrementarase polo importe do orzamento da obra realizado polo técnico competente.

b) A cota tributaria polo outorgamento da licenza ou autorización para acometida á rede xeral de sumidoiro, no caso de obras, será de 90,00 € por vivenda. Os custos das obras da realización da acometida será a cargo do solicitante, quen deberá ademais face-la reposición do pavimento nas condicións nas que estaba. As acometidas realizaranse baixo as directrices marcadas polos servizos municipais.

## Artigo 6.º-Exencións e bonificacións.

Non se concederá exención nin bonificación algunha na exacción da presente Taxa que non veña establecida en Tráctados ou Acordos Internacionais ou en normas de rango de Lei.

## Artigo 7.º-Devengo.

1.- Devéngase a Taxa e nace a obriga de contribuír cando, se inicie a actividade municipal que constitúe o feito imponible, entendéndose iniciada a mesma:

a).- Na data de presentación da oportuna solicitude da licenza de acometida, si o suceso pasivo a formulase expresamente.

b).- Dende que teña lugar a efectiva acometida a rede de sumidoiros municipal. O devengo por esta modalidade da Taxa producirase con independencia de que se obtivera ou non a licenza de acometida e sen prexuízo da iniciación do expediente administrativo que poida instruírse para a súa autorización.

2.- Os servizos de evacuación de excretas, augas pluviais, negras e residuais, e da súa depuración teñen carácter obrigatorio para tódalas fincas do Municipio que teñan fachada a rúas, prazas ou vías públicas en que exista sumidoiro, sempre que a distancia entre a rede e a finca non exceda de cen metros, e devengarase a taxa aínda que os interesados non procedan a efectuar a acometida a rede.

## Artigo 8.º -Liquidación.

1.- Cando se presente a solicitude de licenza de acometida liquidarase e esixirase a Taxa correspondente en calidade de depósito previo.

2.- Si se realiza a acometida sen mediar solicitude procederase a liquidar e notificar esixíndose o ingreso nos prazos previstos no artigo 20 do Regulamento Xeral de Recadación, sen prexuízo da apertura do correspondente expediente sancionador por infracción tributaria.

3.- Unha vez autorizada a acometida, a xestión e recadación desta Taxa acomodarase o procedemento previsto para os valores recibo (padrón, censo; matrícula etc.).

## Artigo 9.º- Ingreso.

1.- As cotas desta Taxa liquidaranse e esixiranse no momento de presentar a solicitude, en calidade de depósito previo.

- 2.- Cando se realice a acometida sen mediar solicitude esixirase nos prazos previstos no artigo 20 do Regulamento Xeral de Recadación.
- 3.- Cando a Taxa se exaccione por padrón esixirase no período sinalado na tarifa ou, no seu caso, no que acorde o Alcalde ou Comisión de Goberno e o ingreso farase efectivo no prazo previsto no artigo 20 do R.G.R. para os valores recibo.
- 4.- Os ingresos efectuaranse na Tesourería municipal ou no lugar que determine o Alcalde-Presidente.

### **Artigo 10.- Infraccións e sancións.**

Nesta materia estarase ó disposto no artigo 77 e seguintes da Lei Xeral Tributaria.

#### **Disposición adicional**

**Primeira. Declaración de alta.**

Os suxeitos pasivos substitutos do contribuínte formularan as declaracións de alta nos censos ou padróns da Taxa e surtirán efectos tributarios no mesmo momento de presentarse a declaración, podendo prorratearse, no seu caso, por meses.

**Segunda. Declaración de baixa.**

Os suxeitos pasivos substitutos do Contribuínte formularán as declaracións de baixa no censo ou padrón da Taxa e surtirán efectos no período natural seguinte o da presentación da mesma podendo, no seu caso, prorratearse por meses.